



ORDE de 2019 pola que se establecen as bases reguladoras e se convocan subvencións, en réxime de concorrència competitiva, ás entidades privadas sen ánimo de lucro para a realización de programas de carácter sociosanitario.

Achegámoslle, para o seu coñecemento, información acerca das principais novidades da orde 2019-2020, e outra información do seu interese para a SOLICITUDE

1. CARACTER BIANUAL (artigo 3)

Os programas obxecto de subvención deberán levarse a cabo entre o 1 de xaneiro de 2019 e o 31 de outubro de 2019 e entre o 1 de xaneiro e o 31 de outubro de 2020.

Tratarase, en todo caso, dun mesmo programa executado tanto no 2019 coma no 2020.

2. ENTIDADES BENEFICIARIAS (artigo 1)

2.1 FIN ESTATUTARIO

Para poder ser beneficiaria da subvención, deixa de ser requisito imprescindible que nos estatutos o **fin principal** sexa a realización de actividades de apoio e axuda ao colectivo a que se dirixen os programas de atención sociosanitaria para os que se solicita subvención.

No seu lugar, a condición imprescindible é: **Ter explicitamente entre os seus fins estatutarios** a realización destas actividades

2.2 COLECTIVOS DESTINATARIOS DOS PROGRAMAS

Amplíase o espectro de colectivos engadindo linfedema e enfermidades neurodexenerativas

3. GASTOS SUBVENCIONABLES (artigo 3)

Non serán subvencionables os gastos orixinados polas actividades realizadas na condición de integrante das xuntas directivas ou consellos de dirección das entidades.

A contía solicitada non poderá superar os 20.000 € nin ser inferior a 4.000 €, para os dous anos.





4. LÍMITE DE % DE SUBCONTRATACIÓN (artigo 5)

A entidade beneficiaria poderán subcontratar **ata o 50%** da contía total concedida, e en ningún caso concertará a execución parcial ou total das actividades subvencionadas con persoas ou entidades que recibisen outras subvencións para a realización da actividade obxecto da contratación.

5. DOCUMENTACIÓN A ACHEGAR PARA A SOLICITUDE (artigo 8)

Como se indica no artigo 8 da orde, a documentación a presentar xunto coa solicitude é:

- a) A documentación que acredite a representación legal da entidade
- b) A copia da escritura de constitución
- c) Estatutos da entidade
- d) O balance ou xustificación dos ingresos e gastos da entidade referido ao exercicio económico do ano 2018.
- e) A memoria técnica do proxecto en pdf e **asinada electronicamente** cos apartados que se indican no Anexo II. **É imprescindible cumprir cos criterios de formato indicados no anexo:**

- a) Máximo de 5 páxinas
- b) Marxes de 2 cm
- c) Letra Arial, tamaño 11
- d) Interliñado sinxelo

Non se aceptarán arquivos que non cumpran estas características

- f) Anexo III , asinado electronicamente
- g) Anexo IV asinado electronicamente.

6. CRITERIOS DE VALORACIÓN DE SOLICITUDES (artigo 14)

Modifícanse criterios de valoración segundo o artigo 14





7. PROCEDEMENTO DE PAGAMENTO E XUSTIFICACIÓN (artigo 17)

TEÑAN EN CONTA Á HORA DE PRESENTAR O ORZAMENTO QUE O **importe ORZAMENTADO na solicitude (anexo III), será o que deban xustificar no caso de ser subvencionadas.**

O orzamento da solicitude será **para 2 anos**, e, como tal, terán que xustificar en cada anualidade o 50% dese orzamento para recibir o 50% do que se lles conceda na resolución.

Lembren, ademais, que:

- As solicitudes presentaranse obrigatoriamente por medios electrónicos a través do formulario normalizado dispoñible na sede electrónica da Xunta de Galicia <https://sede.xunta.gal>.
- Se algunha das entidades interesadas presenta a súa solicitude presencialmente, requirirase para que a emende a través da súa presentación electrónica. Para estes efectos, considerarase como data de presentación da solicitude aquela na que fose realizada a emenda.
- Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).
- O prazo de presentación das solicitudes será dun mes contado a partir do día seguinte ao da publicación desta orde no *Diario Oficial de Galicia*.

